

**Protocol no. 83****Sezzüda da lündeschdi, als 25 november 2013 08.30 - 12.00**

**Preschaints:** Albert Mayer, Andri Poo, Men Caviezel, Dumeng Jann, Marianne Werro-Lehmann e Marco Fallet (protocol)

**Invidats:** Rico Zini, contabel, Mario Riatsch, silvicultur, Christian Poo, manader tecnic, cumischiun sindicatoria: Andri Lansel, president, Chasper Ruben e Domenic Augustin, commembers.

**748 9                      FINANZAS ED IMPOSTAS**  
**Preventiv 2014**

Il contabel, R. Zini, repass'il preventiv e dà las infuormaziuns necessarias. Il silvicultur, M. Riatsch, sco eir il manader tecnic, Chr. Poo, repassan lur spartas dond las infuormaziuns necessarias e las argumantaziuns sur dal bsögn da las investiziuns previssas.

Il contabel declera d'avair redigi il preventiv in basa dal rendaint 2012, per part eir dal preventiv 2013 sco eir in basa datt'avant dal cussagl, dimena cun ün pè d'impostas da 105%. Pro la sparta finanzas ha el resguardà la nouva situaziun, dimena cha nos cumün ais gnü classificchè illa classa da forza da finanzas 3, voul dir daplü incharg da cuosts e damain contribuziuns e quai in plüssas spartas e dicasteris. Pro las entradas d'impostas sun las virtüts da l'iniziativa da seguondas abitaziuns eir gnüdas resguardas cun üna preventivaziun plü precauta.

Il preventiv prevezza pel 2014, davo avair decis sur d'alchüns müdamaints, ün deficit da fr. 511'090.00 (expensas fr. 6'796'260.00, entradas 6'285'170) ed üna somma d'investiziuns nettas da fr. 825'000.00 (expensas fr. 2'371'000.00, entradas fr. 1'546'000.00). Las amortisaziuns sun previssas cun üna somma da fr. 370'000.00, quai seguond il model da quint dal chantun Grischun. Il cussagl discut'in möd vast culla cumischiun sindicatoria che masüras chi sun da trar e che pass chi bsögna per megliorar la situaziun.

El decida da suottametter a la radunanza il preventiv cul resultat previs surwart manzunà.

L'actuar:  
Marco Fallet

Il Capo:  
Albert Mayer

